

第一六六冊

方輿彙編

職方典

潮州府部

肇慶府部

(卷)

三三—三四

三四—三三

古今圖書集成

中華書局影印



古今圖書集成

卷一百一十五

欽定古今圖書集成方輿彙編職方典

第一千三百三十三卷目錄

潮州府部彙考一

潮州府建置沿革考

潮州府疆域考

有圖

形勝附

潮州府星野考

潮州府山川考一

職方典第一千三百三十三卷

潮州府部彙考一

潮州府建置沿革考

本府

一統志

禹貢揚州之域天文章牛分野古爲閩越地秦屬南海郡漢初屬南越武帝平南越復屬南海郡晉咸和中屬東官郡義熙末又分立義安郡梁兼置東揚州後改曰瀛州陳罷州隋廢郡置潮州治海陽縣大業中爲義安郡唐武德中復爲潮州天寶初改潮陽郡乾元初復爲潮州五代時屬南漢宋開寶中平其地仍爲潮州隸廣南東路元至元中改置潮州路明洪武二年改路爲府領縣十

海陽縣

附郭

本漢南海郡揭陽縣地晉屬南康郡義熙中置海陽縣爲義安郡治以南濱大海故名隋廢義安郡以海陽置潮州唐宋元仍舊明因之編戶一百七十里

潮陽縣

在府城南一百三十里本海陽縣地晉置潮陽縣屬義安郡以在大海之北故名隋屬潮州唐末徽初省先天初復置宋元仍舊明因之編戶一百一里

揭陽縣

在府城西七十五里本漢舊縣屬南海郡晉屬南康郡後廢宋宣和中割海陽縣地復置隸潮州紹興初廢尋復置元仍舊明因之編戶一百二十八里

程鄉縣

在府城西北三百里本漢揭陽縣地齊置程鄉縣屬義安郡隋屬潮州南漢以縣爲恭州宋初改曰梅州紹興中爲程鄉縣隸潮州後復爲梅州元至元中改置梅州路後復爲梅州治程鄉縣明洪武二年省州入縣編戶二十一里

饒平縣

在府城東二百八十里明時建編戶一十七里

惠來縣

在府城南一百一十里明時建編戶三十里

大埔縣

在府城東一百一十里明時建編戶二十七里

澄海縣

在府城東南五十里明時建編戶一十四里

普寧縣

在府城西南一百四十里萬曆初建編戶三十二里

平遠縣

在府城西北三百六十里萬曆初改建編戶一十二里

鎮平縣

崇禎六年析置

潮州府疆域圖



潮州府疆域考

府志

本府

南抵潮陽縣界一百四十五里

北抵福建界一百四十里

東抵饒平縣界一百五十里

西抵惠州府海豐縣界二百五十里

東北抵福建界四百里

西北抵福建界四百五十里

東南抵海門千戶所二百四十五里

西南抵海豐縣界二百七十八里至
京師九千七百四十七里

東西廣四百里南北表四百六十五里

海陽縣 附郭

東至饒平縣界

西至揭陽縣界

南至澄海縣界

北至大埔縣界

東西廣八十里南北表三百五十里

潮陽縣

東至海濱

南至惠來縣界

西至普寧縣界

北至揭陽縣界

北達府一百四十里

東西廣四百二十七里南北表二百五十七里

揭陽縣

東至下外莆都一百三十里

南至潮陽縣三十里

西至崇溪都二百里

北至歸仁都六十里

東北達府八十里

東西廣二百八十里南北表八十里

程鄉縣

東至溪南都一百四十五里

南至萬安都一百八十里

西至石坑都八十里

北至石窟都一百七十里

東南達府三百里

東西廣二百一十里南北表三百五十五里

饒平縣

東至宣化都一百六十里

南至信寧都一百五十里

西至海陽縣界一百五十里

北至絃歌都六十里

西達府一百四十里

東西廣二百里南北表二百一十里

惠來縣

東至潮陽縣一百二十里

西至海豐縣界九十里

南至海十五里

北至潮陽縣界四十里

東北達府二百七十里

東西廣一百八十里南北表二百一十里

大埔縣

東至三層嶺五十里

南至李子寨一百五十里

西至潭澳村一百六十里

北至陰那山九十里

西達府一百六十里

東西廣二百二十里南北表二百五十里

澄海縣

東抵大海

南抵揭陽縣

北抵饒平縣

西達府七十里

東西廣五十里南北袤六十五里

普寧縣

東抵潮陽縣界

南抵惠來縣界

西北抵揭陽縣界

北達府一百二十里

廣袤俱四十里

平遠縣

東至藍坊二百五十里

南至相公坪一百八十里

西至大帽山五十里

北至長寧縣三十里

西達府三百八十里

東西廣二百里南北袤二百五十里

饒平縣

東至上杭縣

南至程鄉縣

西至平遠縣

北至武平縣

南達府三百六十里

東西廣八十里南北袤七十里

形勝附

府總

唐韓愈祭鱷魚文大海在其南

韓愈少府胡公碑閩南兩越之界

韓愈詩海氣昏昏水拍天
余崇龜文城號鳳棲谿傳鱷徙

潮州府星野考

府總

郭青螺象緯解潮隸廣東廣在漢爲南越地在春秋爲百越地在禹貢爲揚州之域其次爲星紀其宿爲牽牛其辰丑

潮州府山川考一

府志

本府 海陽縣附郭

九郎山 越韓山十里山勢起伏凡九故名

尖峰山 在九郎山之右高百餘丈圍六里形如卓筆

大帽山 在城東十五里高五十丈圍四里

石甕山 在城東三十里

竹篙山 在城北二里許新建關將軍祠

海陽山 在縣北二十里因南有大海故名

楓洋山 在縣西北十五里高三十丈圍數里
伯公隘山 在楓洋山迤而北一百五十里豐政都最險宜設防禦

圓山 在江東都圍五里

龜頭嶺 在城西三十里狀如伏龜亦名揚鐵嶺

嶺

青麻山 在龜頭嶺稍南民多藝麻高二十丈圍四里

桑浦山 在縣西南四十里高二百丈周圍五

十五里勢若蜿蜒產茶北麓多桑嘉定間建塔

其上旁一井冬夏不竭

獅子山 在桑浦山之西十里有獅子塔上有

石巖屈曲難狀

玉簡峯 在甘露巖之前乃郡城之對峙也

宗山 在城西四十里舊名華巖王陽明先生

祠在其麓

金山 在府治後即金城山東臨鱷溪西瞰大

湖爲一郡遊覽勝處宋王漢記

韓山 在府治東唐韓愈嘗登覽植木其上邦

人因呼爲韓木凡科第多寡則以其花之繁稀

卜焉有無亦如之

湖山 在府治西上有寺觀錯立前連鱷溪後

接鳳山爲一郡觀覽之勝宋林暉詩溪流橫過

一灣碧山色平分兩岸青

甘露山 在府城南五十里上有白石巖相傳

有孝子廬墓於此甘露降故名

鳳凰山 在府城北六十里山多相思樹樹中

有神被髮跣足古諺云鳳凰山嘯西湖平代代出公卿

獅子山 在府城西南七十里上有獅子塔甘露岩前有玉簡峯

蓮花山 在府城東七十里以形似名又名白石山

南澳山 在府城東南一百二十里海中形如筆架上有三峰曰青澳深澳長沙尾

大河山 在府城北二百餘里高百餘丈周廻四十里因西有大河故名

瘦牛嶺 在府城西北五十五里一名雲落山舊傳有銅鐵佛像寶貝之異宋楊萬里詩行盡天涯意未休循州過了又梅州平生不慣乘肥馬老去須教遇瘦牛

甘露巖 在府城西南七十里形勢屈曲不可名狀昔人謂之第七洞天

海 在府城南楊萬里望海詩動地驚風起海厥爲人吹散兩眉愁身行島北新春後眼到天津最盡頭

三河 在府城西北三百里其源有三自汀曰大河自程曰小河自漳曰清遠河合流入於海

東湖 在韓山後四山環繞荷花彌望柳陰夾植湖中舊有湖山亭清暑水月二觀

西湖 在府治西綿亘十餘里中有四亭曰倒景雲路立翠東嘯宋陳堯佐詩附郭水連山公餘獨往還疎煙漁艇遠斜日寺樓閒

官郭湖 在府城東南二十里產名龜

小湖 在金山

鳳水 在府城北發源鳳凰山匯於鱷溪一名鳳凰溪

蒙泉 在西湖山後

五龍潭 越蒙泉二里許

韓江 在城東發源汀贛循梅會爲三河

三利溪 在城西導濠水至於西廂歷潮陽揭陽廻抱曲折殆將千里而後入於海三縣利之故名

中離溪 在縣西南四十里地連揭陽邑人薛侃倡濬

起龍溪 過桃山達於楓口入海

溫泉 在縣西北一百里其泉四時常溫

鱷溪 在府城東一名惡溪東流五十里入於海溪有鱷魚四足黃身修尾其形如龜鋸齒森然往往爲人害鹿行崖上羣鱷鳴吼鹿必怖懼落崖爲鱷所得唐韓愈爲刺史作文驅之徙六

十里潮人遂免此害

甘露井 在府城西其泉甘冽故名

防虞井 在府城西廣七尺餘

古樹井 在府城南有古樹在側

潮陽縣

龍首山 在縣治北俗稱猴子山亦名穫子山東山 在縣東三里與韓山相望疊嶂如層雲多砂石無草木其中有寶狀如北斗曰七星石石七孔中孔有水不盈不涸按一統志山上有二峰曰雙旌石韓愈遊覽之地亭榭多見於此

宋鄭原詩尋泉行處僻就石坐來寒

闕牛巖 在城東五里岩廣十數步深倍之其下有卓錫泉唐僧大顓初居於此山故無泉顓杖錫卓之得泉因名

錢澳山 在城東十里即海門山海船灣泊之處

蓮花峰 在海門城南三里

鐘南山 在蓮花峰北臨於滄海之上有石曰鎮海將軍

太湖山 在城東南十五里南臨大海下有龍潭即韓昌黎遣尉致祭處

廣澳山 在太湖山之東十里三面距海盤據數十里地多斥鹵不可以耕

招收山 在廣澳山之北

磊口山 在招收山之北

薄泗山 在城北十里一名巡梅山是爲邑之後屏

望樓嶺 在城西北二里舊建接官亭其上

華陽山 在城北十五里

河溪山 在華陽山之北五里

大化山 在桑田迤南

祿景山 在大化山北二十里

麻田山 在祿景山北三十里有蟹眼泉

石龜山 在縣西南二十里枕練江其形如龜

會山 在城西二十里有寶峰岩高數百丈船海者望以爲表按一統志山出文貝紫藻朱文

可以解毒又名雙髻山

臨峴山 在縣西十五里即唐故治

靈山 在城西四十里即大願開創禪寺之所

壬嶼山 在城西

癸嶼山 在城西

鐵山 在城西北八十里山勢聳秀高出羣山之表

之表

洪山 在鐵山西二十里平地湧起孤峰峻絕其巔有泉冬夏不涸

牛戶山 在洪山北

南山 去鐵山十里許連峰接岫深林峻嶺盜賊出沒之所

坤柄山 在南山西二十里有溫泉廣四丈餘深三尺許

鹽嶺 在坤柄山西十里

金竹嶺 在城西南七十里

翠峰岩 在城西七十里昔有婦人於此禪居常畜一犬婦幻爲佛犬亦隨化鄉人塑像祀之號曰佛母岩

神山 在城南二十里

峽山 在翠峰岩南十里

練山 在練江之南

黃岡山 在城南四十里

葛山 在城南四十五里

明湖山 在葛山南三十里

釣鰲山 在葛山南一百里

龜山 在城西南二十里

西山 俗名曰塔山舊傳上有磚塔遺址後移入縣中今府館中者是

海潮巖 在西山之麓一名西巖三面石壁深廣丈餘今巖端有大巖遺像多名人題詠

龍潭 在大湖山下唐昌黎韓愈刺潮時常遣官致祭歲旱祈雨輒應

馬耳港 在馬耳山下潮揭之水咸會於牛田洋南入於海

華陽水 出自華陽山而北流注於牛田洋

河溪 出自河溪山而北流注於牛田洋

西瀘 出自祿景山而東流注於牛田洋

蟹眼泉 出自麻田山

西豐水 出自臨崑山一統志云中有銀石俯視若瓶不可取

仙陂水 源出赤塗嶺石佛山合諸水會於下淋

麒麟水 源出壬嶼山其西條水合於新溪而南流東條水合於石港亦南流

汶水 源出南山合鐵山諸水會於石港

溫泉 在新田山後廣六尺深四尺許鄉人於此烹剝流至小坑方可沐浴

旱塘 出自員山而南流會於石港

瀟溪 出自坤柄山南流爲洋烏合流溪皆會於石港

波浪水 出自鹽嶺而東流會於溪口潭

司馬浦 出自翠峰岩而東流會於銅鉢湖

桃溪 出自林昭徑而東流會於東溪凡諸西

南之水皆合流過和平注於練江

練江 即龍井溪又曰龍津和平之水注之溪頭成田茆港之水自南來合之邑中之水自北而合之匯爲大江流於海門入於海

隆井溪 在潮陽縣南五里許發源南山東入於海

洪橋水 出自黃岡山而東流注於海

光華水 出自北山而南流注於海

揭陽縣

揭陽山

在縣治西一百五十里形勢峯嶢南北兩支分抵興寧海豐界縣之主山也

三山 在縣西溪地名淋田三山鼎峙曰明山

巾山 獨山上有明貺廟

明山 在霖田都南二十里半山有石穴相傳有三仙人出於此即天竺岩

巾山 在霖田都東南三十里山狀如巾故名

有徑通長樂七成盜賊出沒之所

仙徑山 在霖田都脉連三山形如覆盆相傳有仙過此故名

瘦牛嶺 在藍田都之石磴村去縣治一百里

一名雲落又名東枕

飛泉嶺 在藍田都極界壁立萬仞周迴數十里

貴人村山 在藍田都聯飛泉嶺跨揭陽長樂之境周迴百里

五房山 在藍田都

琅山 在藍田都兩峰狀如馬堆石如琅玕故

名俗呼羅山

蘇姑山 在黃寨之中

駱山 在藍田都上洋村

雙山 在磐溪都兩峰並峙因名

馬鞍山 在縣治北二十里

黃岐山 在縣治正北一十里

陳夫子岩 在黃岐山北即竹岡岩是也

松岡岩 在黃岐山西即崇光岩是也

紫降山 在縣治南二十里官溪都鎮山也

竹岡山 在縣南二十里上有石岩宋陳希復常讀書於此俗名陳夫子岩

仙橋山 在仙橋渡

筆架山 在官溪都浮嶼內

大尖山 在官溪都去縣治三十里

大脊嶺 在縣治東北四十里

梅岡山 去縣治三十里梅岡都鎮山也

紅山 去縣治十餘里其土赤故名

桑浦山 在城東一百里突起海濱跨海揭二

縣之地延亙數十里屹然東南巨鎮也

桃山 在桃山驛西旁有小山類桃故名

錢岡山 在地美都

鄒堂山 在城東五十里

茭池山 在地美都城東一百二十里三峰削

天中有深池數十畝

郭處林山 在地美都

鷄籠山 在地美鮑江之界

潯洞山 在鮑江都去城七十里突起海中接

朝陽界蜿蜒十餘里

石城山 在鮑江都

玉窖溪 在縣前後有南北二派南溪發源魚

梁灘北溪發源瘦牛嶺會於浦灣渡南入於海

南溪 在縣南發源海豐長樂二縣分水亞流

經三山百折而東過玉窖至浦灣渡會北溪入

於海

北溪 在縣北發源程鄉長樂分水界流經貴

人飛泉諸山東合石磴循梁大羅諸水過玉窖

至浦灣渡會南溪入於海

深浦溪 在磐溪都發源藍霖西山諸澗至北

寨入於北溪

湖口溪 在霖田都發源崎山

浦口溪 在官溪都發源田心山至石頭山入

於南溪

梅岡溪 在縣北二十里發源長布會會官溪

口入於海

古溪 在縣南一十五里發源普寧界廣蔡山

會梅溪入於南溪

楓溪 界桃山梅岡二都之間發源鳳城西湖

山至楓口入於北溪

潭 在霖田都深不可測中有石修廣二丈餘

遇旱祈禱輒應

雙溪口 去縣治三十餘里南北兩溪會於此

中有石七堆以扞賊舟

湯坑 在藍田都石碣嶺麓之坑也

沙馬 在鮑江都牛田洋中

牛田洋 在鮑浦之南西受南北二溪之水東南通漲海魚鹽之利

鳴洋 在蓬州都

海 在蓬州都去縣治一百里極天無際東通

閩浙南通廣惠瓊崖及諸島

飛泉 在縣西北五十二里其山峯嶢壁立數

百仞絕頂有泉湧出半空而下

程鄉縣

金山 在縣署後四十二武高三十丈周六十

丈

王壽山 去邑治一百二十里高八百九十丈

周二百五里王岐修煉於此

陰那山 在縣東八十里高八百丈周一百五

十里形如仙掌唐僧了拳修煉於此

城堞山 在縣南五十里形如雉堞故名

天馬山 在縣南六十里高三百十丈周七十

一里形如馬故名

馬鞍山 在縣東三十五里

西山 在縣西十四里周八里山頂平坦居民

避亂於此

雙髻山 在縣西北二十里尖峭雙峙如丫故

名

五峰山 與雙髻山左右並峙

四姑山 在縣北三十里高二百丈周十里

萬緣山 在縣北八里高百丈周四里

羊子佃山 在縣北二百里

九峰山 在縣東南四十里

青凉山 在縣南十二里

旗山 在縣東北一十三里高一百一十一丈周二十六里形如旗故名

平頂山 在縣東二百里高二百七丈周七十二里形如簾蓋故名

蕉頭山 在縣東北二百里高五十餘丈

蘇田三台山 在縣北百里形如筆架故名

梅峰 高三丈二尺周八十丈溫禧植梅其上故名

東岩 去縣治六里岩洞廣三丈洞有石鼓扣之則響亦名東安岩

相公坪 在縣西北三十里

仙花嶂 即明山西麓

黃沙嶂 在縣南十二里高三百六十丈周六十里

百花嶂 在縣東十里與百花洲相照故名

龜潭嶺 在縣東一十里高二十五丈周三里下有龜潭旱則禱雨於潭

聳秀峰 去縣二十里高三百五十七丈周一百二里挺然而出故名按一統志上有鐵佛庵禱雨多應

祥雲洞 在縣南五里山有洞洞有林木

高峰嶺 在縣西二里高三十七丈周一里四平突起下臨澗水

天子嶺 在縣北十里高二百丈周十五里四山夾侍

石窟洞 去縣二百里今割鎮平

游驥巖 在縣北七十里今割鎮平

北巖 在縣北五里廣二丈深一丈依石爲岩銅鼓嶂 在縣東南八十里高九百九十餘丈周一百四里

雙筆峰 在縣東南三十里高三百五丈周六十五里二峰秀峭如卓筆

香爐峰 即陰那山之別支形似擎爐故名

龍巖 在縣東北一百四十里高二百九十丈周一百六里形如龍牙故名

龍牙岩 在縣東北一百里岩廣四丈深一十三丈高三丈洞有石瓶滴水秋冬不涸

仙牛嶺 即王壽山另支

鐵山嶂 在縣西北九十里今割鎮平

西巖 在縣西五里中有蘭若曰靈境依山爲亭景態萬狀其西又有羅漢觀音蛇山三岩宋

劉安世嘗過此有題岩寬三丈高一丈餘

石室洞 在程鄉縣推鋒寨旁穴竇深二十丈許中有石鼓石柱天憲之類

南石田洞 在縣西北幽遠深邃人跡罕至奇葩異果多不知名採於山者間遇之甘美可茹或懷歸多迷失道後人題曰仙客有靈千古在

洞門無鑰四時開廣二丈二尺外峻內寬平地突起腰有醺壇

明山 在縣東三十里上有招仙觀下有龍潭

歲旱禱雨輒應昔有羽流隱此山習辟穀後尸解留偈云形容陋古守真無取海底明珠照破

秋浦山高九百九十二丈周三百里

西洋山 在縣東南四十里峰巒周匝洋一作陽

程江 在縣西七十里源出義化歷古坑會於梅溪因程收得名有詩云程收當年一匹夫不操三尺制羣愚片言能使人心服萬古江山與

姓俱

梅溪 在縣東六十里發源汀贛惠三州中有龍潭下有防梓灘灘聲澎湃喧庭聞於數里

百花洲 在縣界南夾兩水之間時有百種花人以爲邑之瑞舊諺云百花洲尾齊洲前此地出狀元

柴桑溪 在縣南四十里源自蓮花山

羅衣溪 在縣南三十里源自城堞山

鯨坑溪 在縣南二十五里源自興寧界河田

大密溪 在縣南二十五里源自九狼峰

大乍溪 在縣南十五里源自小乍

周溪 源自平遠蓮塘角由洋門謝田五十里達縣近邑東四里舊有濂溪書院

西洋溪 源自明山遠仙花嶂之麓西流而合於梅溪故名西洋

鴈洋溪 源自石寮等山三十里匯於梅溪

小河溪 一源自武平象洞由鎮平一源自平遠出鎮平合流出程鄉一百三十里匯梅溪

黃沙溪 源自陰那二十里合於梅溪
黃竹塘 在縣南十里源自黃沙嶂諸水會流周圍一十五里春冬不竭
龜目井 在縣治前以縣形似龜鑿井爲目以

疏其氣利於風水

義井 在城南門

溫泉 一割平遠在熱水村一在縣西北五十里可浴

寶山靈潭

在縣東六里旱祈雨立應

放生潭 在松元魁塔下邑人李榿鄧之麟李升李恒等立

會井

在縣西泉冷而甘相傳南漢會芳令是邑以藥置井中病者飲之即愈後人思之不忘故名宋張致遠詩會井有泉清毒瘴

饒平縣

尊君山 去縣北五里許縣治之主山也古名將軍山

望海嶺

在縣東二里危峰插天遠眺海表縣治之面山也有天馬行空之勢

天馬山

待詔山 在縣西南十餘里四時雜花競秀名爲百花山

城隍山

在縣治北古名金山

琴峰山

在縣治後

大金山

在學宮後

桃源山

在縣西北十里有龍潭歲旱祈雨輒應

九峻山

在縣西北通大埔捷徑

南陂寨

在縣西民築土爲城以避寇亂

石帽山

在縣南十里許上有石如磨

緣船楫山 在上饒嶺脚村東北界平和

犁頭山 在上饒堡高四百丈東連漳浦

鳳凰山 在縣治西四十里高壓諸峰山頂翠如鳳冠乘風能鳴與郡城西湖山相應

河門山 在縣東北邑水所出之地知縣劉桴倡建文峰塔其上以培風水下有石碑文曰天下大亂此地無憂天下大旱此處半收宋賢王十朋立焉

繡衣嶺 在縣南八里許

尖山 在東洋屯青竹徑村連漳浦途多險阻

伏戎之區

白鵲山

在東洋屯堡

四壁嶺 在東洋屯堡潘段村相傳爲陳弔眼屯衆處

鶴山

在東洋屯堡麻湖村

寶珠山 在黃岡堡後

石壁山

在黃岡堡北

黃紫殿山

在陳塘堡浮山村左三台山嶂右九曲水灣

輝煥山

在井州堡右

南鵝山

在縣西南平溪西接海陽縣界

樓雲山

在黃岡驛南高與蓮花山相表裏

雷嶺

在宣化大卷上村北接漳浦南詔驛界

大幕山

在宣化上底後形如垂幕故名

鯉魚山

在大幕山下

馬頭岡

在海澳

蓮花山

在蘇灣信寧二都界

北山

在大幕東有泉雖旱不竭

東坑山

與北山相連

周田山 山下有廬舍陳石岡諸公常讀書其中

獅山 爲宣化大埕後屏偃伏如獅形

小金山 在大城所北門

龍潭山 在大卷東北

釜山 在宣化高埕神前之南形如覆釜

赤瞰山 山有風動石

香爐山 在宣化嶺後村西南山頂有石如香爐故名

鐵甲山 在宣化下灣西

月山 在下岱上寨寮

烟樓山 在海邊有望墩烽樓在焉

象頭山 在柘林舊有天妃宮

西澳山 在柘林海中有田若干頃

鳥頭山 在柘林北

紅螺山 在大埕柵灣港口

深坑山 在宣化都大埕柵東南

南澳山 在東里南三十里信寧都海中

河門 一自九峻諸山發源南流五十里至縣東兩山相峙爲河門一自桃源諸山發源北流二十里繞縣後至城隍山下合之一自梅峯發源南流二十里從天馬山下赴於河門十五里至石溪頭

湯溪 距縣二十里溪多盤石中流有石竅如蓋湧出湯泉有三石池

九龍潭 在半徑村相傳有龍居焉祈雨立應

西溪 發源於尖峰濠大埕前達於灣港入海

南澳 在東里南三十里大海中周迴三百餘里中分四澳南曰南澳東曰東澳北曰深澳西曰隆澳南澳地寬衍

青澳 自南澳東折風波險惡二澳鮮有泊舟者

深澳 內寬外險有蠟嶼赤嶼環於外僅一門通舟而中容千艘番舶海寇多泊此焉

隆澳 爲艘舳往來門戶海寇亦時泊焉萬曆四年設副總兵築城鎮守其田糧七千八百餘畝悉充本地兵餉而虛糧猶懸縣中

辭郎洲 在南澳海中

宰猪澳 一在深澳東一在南澳與後澤相近後澳 在柘林西山之麓澳面寬平水波不興

守備兵船泊此

錢澳 在南澳或云宋帝駐蹕淺卽此也

新澳 在上里東二里磯石嵯峨激浪崩天舟不可行

湖下澳 在雲蓋寺下

後澤澳 在陰澳

羊嶼澳 在隆澳

欽定古今圖書集成方輿彙編職方典

第一千三百三十四卷目錄

潮州府部彙考二

潮州府山川考二 水利附

職方典第一千三百三十四卷

潮州府部彙考二

潮州府山川考二

府志

惠來縣

五朝山 在縣北三十里層巒疊障環列如屏

爲縣治之枕山

大墩山 在縣南半里許

光華山 在縣東八里

百花山 在縣東三十里高五十丈

試劍山 在縣東三十里

巖尖嶺 在縣東三十里山勢危峻下有銘湖

巖

南山嶺 在縣東三十里與巖尖嶺相映

雙髻山 在縣東四十里上有寶峰巖

青初林山 在縣東四十里

西風堂山 在縣東四十里

虎空山 在縣東四十里

石路坑山 在縣東四十里與青初林山相連

黃岡山 在縣東六十里

華古巖 在黃岡山西七里

石山 在黃岡山北十里

文昌山 在縣南十五里孤峰秀拔如文筆故名

名

弔海山 在縣東南八里

赤山 在縣東南五里

湖巖 在縣東南三十里

聖母巖 在縣東南五十里

葛山 在縣東南五十里

虎頭山 在縣東北一里許形勢嵯峨狀如虎

頭故名

洪塘山 在縣東北一十里

金岡髻山 在縣東北六十里漁舟山海歸視

此爲準

楊梅山 在縣西二里

馬鞍山 在縣西八里

塔山 在縣西三十里

旒山 在縣西三十里高廣延百里

蜈蚣山 在縣西五十里

鶯嘴山 在縣西八十里通海豐三徑狹不容

車盜賊之所出沒

馬耳山 在縣北二里許

林焦徑 在縣北二十里路通潮陽

釣鰲山 在縣西南二里

石人山 在縣西南五十里

雪峰山 在縣西南五十里

葵嶺山 在縣西北一十里

石牛山 在縣西北八里

普陀巖山 在縣西北十里

虎頭寨山 在縣西北四十里

鯉魚山 在縣西北三十里

象山 在縣西北四十里

黃猴峰 在縣西北五十里

頭巾石山 在縣西北四十里

鶴老坑山 在縣西南六十里

謝塘山 在縣西北五十里

北門山 在縣西北五十里

磨山 在縣西北六十里高四十餘丈延袤三十里

十里

峽嶺山 在縣西北七十里

千秋鎮石 在縣西北七十里

割茆徑 在縣西北五十里

茆溪 在縣東六十里發源黃岡合遶心江經

茆港總會諸水入練江

古產陂溪 在縣東五十里發源金剛髻山至

倉上洋通靖海港入於海

洪橋溪 在縣東五十里發源金剛髻山經東

鋪至靖海港入海

後嶼溪 在縣東四十里發源南山嶺至獅石

頭接潮汝紆迴數百丈

光華溪 在縣東四十里發源大崦山經石佛

抵光華寨分爲二派東曰東光華西曰西光華

並流至東福埠接龍潭合流至神泉入海

東福埠溪 在縣東五里發源大崦山經光華遶東福埠抵神泉入海

祿昌溪 在縣西二里發源鹽嶺經大溪抵白沙湖遶洋美至神泉入海

羅溪 在縣西二十五里發源石鳥山經東溪仔抵黃善橋合林招渡水合神泉入海

林招溪 在縣西二十七里發源鶯嘴山經吉鈞涌至神泉入海

西門溪 在縣西門外發源虎頭巖經西溪白沙湖與長嶺之水會至神泉入海

龍江溪 在縣西三十里發源鶯嘴山經鶯溪至潦洋抵神泉入海

漁湖溪 在縣西北三十里發源占山合龍岡至神泉入海

欖衣溪 在縣西南六十里發源磨山經新岱至甲子港入海

大陂溪 在縣西一百里發源磨山經澳頭至甲子港入海

西坑溢泉 在縣東北二十五里泉出石中其湧如沸隆冬尤熱

龍堀溫泉 在縣西北五十里

石井澳 在縣東南二十里

沿錫澳 在縣東南三十里

赤沙澳 在縣東南四十里岸有沙隄可障海濤海艚不時灣泊登岸劫掠最稱要害

大埔縣

茶山 在縣治後脈自福建界至虎頭山起伏迤邐而來端秀北向城垣半據其巔縣治之主山也南去一里許有白蓮洞中有小巖相傳謂昔有異人鑿池於巖之麓種白蓮因名

楊岡 一名天印山在城北門外當漳靖二水之交突起一岡其形方平如榻

崔鷹山 在縣右一里許繞聳如鷹狀堪輿謂之右弼西有新礮山對峙謂之左輔

伏虎山 在縣東一里自風波嶂來數峰聯秀如虎伏山之麓居民相聚為神泉市一名石柱山傍有圓池號太極池

玉屏山 在縣北二里橫障如屏又名掛榜山下有貓兒石津渡在焉

海螺山 在縣北二里其狀環圍如螺其後有峰高聳亦號一峰來秀云

天馬山 在縣北河背玉屏山後自燕尾山來高聳秀特狀如勒馬故名天馬

獅子山 在縣西一里餘巉巖夾江狀若獅象對峙多怪石盤結關鎖諸流入謂邑之限門

三台山 在縣西二里連麻子棟此磴下山隔溪西隱然為城內左屏幃

麻子棟 在縣西近老虎石積龍寨崔嵬突秀太乙捍門民嘗種麻於此故名

交椅山 在縣東十里其形彎拱如椅一在洋淘村

虎頭山 在縣東南十五里餘茶山來脈祖此

其狀高聳如虎踞多產雜木

鳳髻山 在縣東十五里形如鳳冠

鳳波嶂 在縣東二十里長富社發源於閩汀之潯蕩洋迤邐起玉釜棟此嶂突起數峰巉岩陡絕陰霾則烟籠疊嶂晴霽則碧入重霄縣右之奇觀也透折穿落長窖山心伏虎等處盡於神泉侍衛茶山為虎踞對峙新礮山為龍蹲焉

燕尾山 在縣西五里雙峯峙漢形如燕尾連於陽石峰

赦文山 在縣北十五里其峰高峙傍有一峰次之名小棟

陽石峰 在縣西二十餘里源於閩杭之羊首山順流逶迤至平砂角髻嶂後突起此山近觀則層巒峭壁遠望則數峰插天每烟霧浮起必致雨澤民以為耕種之候山多野獸穿落為潯田舊寨大河等處盡於河背為天馬榜山

羊耳凹 在縣東十里連於虎頭山為黃塘坑之祖山為樟溪黃砂平和之要路尖聳如羊耳

積龍寨 在縣西十五里連南棟山高聳白葉村水口盤結其鄉故名

三將軍山 在縣西十六七里三峰聳雲穿落廣林沿坑陳金村等處盡於洲角院

南棟山 在縣南二十餘里層巒疊嶂分支環護其中多產橡木俗稱檫樹棟永安社主山也

老鴉山 在縣西三十里近洲角院狀如飛鳥下有尖石俗呼為鴉嘴

鴿子棟 在縣北三十里峻聳如鷹鷂之飛長

治與永清分界又永安社及清遠各有一巖亦名鶴子

印山 在縣西四十里舊塞村尾爲一方門戶當三水之交突起一峰特秀而圓正對三河城下布平原多種芥薑瓜菓之物三河鎮市資給於此

鳳翔山 舊名石蔭棟在縣西四十餘里自陰那山來頂聳腋繞狀若翔鳳中吐出一岡形勢特秀松木陰翳號松蔭下布平原居民數百家乃三河新寨主山

巍龍山 在鳳翔山右氣勢雄偉大類龍之騰躍且峯巒層聳狀若梯級又號天梯乃三河一方巨鎮

神棟山 在石蔭棟左特起崇隆其後爲高山寨平頂方面堪輿家以爲誥軸山

華表山 在縣西五十里一峯尖秀屹鎮萬江峽中傍有一峯高聳相連又在三河爲正南石曜尖如鳳嘴逆取三江舊名百祖渠今呼鳳凰渠合鄉建觀音閣於上以鎮水口

葵山嶂 在縣西南六十里清奇秀特此東門埔諸鄉祖山鄰湖寮界

網山 在縣西南六十里瀕江突起一峯頂尖秀而麓若翅展磊砢多石望之如漁叟張網此弓洲水口

燕尾山 在縣西南六十餘里並起兩峯宛如燕尾竹木陰翳此弓洲蔭糧山
嚴子嶺 在縣西南六十里中多礪石此銀溪

水口

崑崙山 在縣西七十里自陰那山來支派盤旋壤土膏沃鄉人種植薑芋瓜瓠厚獲其俗呼之寶壤

天門峯 卽崑崙村門戶一峰高聳陟越者若不可階而升也故名天門

陰那山 在縣西八十里五峰連峙狀如火焰崔嵬高聳各五指峰陟巔四望無際茫如洋海時有雲霧籠罩觀面不可認識真奇觀也上屬程鄉下屬大埔爲三河大麻崑崙祖山山下卽陰那坑有祖師寺師會以錫扣石出泉清冽如雪酷暑可以解煩三月二十五日爲其降生之辰必有洗殿雨二三日可以溉田雖旱而不害已上俱灤洲山

石鬼巖 在縣西六十里濱大江亂石磊塊尖峯高聳有巖穴數處相傳中有金銀器物偶入取之卽路迷不知所出

銅鼓嶂 在縣西八十餘里綿亙數十里高聳入雲三面程鄉海揭一面大埔穿落爲銀灘古野三洲等處村嶂有小尖南溪數處古爲賊巢崇禎辛未間鍾凌秀據此

蓆帽山 在縣南五十里左壑右河路循一麓一名魚湖棟前一峰爲雞籠山望之深秀又帽山東邊一山亦名帽山

雙髻山 在縣南五十里雙峯高聳望如丫髻中有石室可坐百人相傳慚愧祖師駐此修真後移陰那此爲東門埔弓洲來脈又爲河寮文

峰

梁頭山 在縣南五十餘里來脈處有二山名爲白葉山天仔棟極其高聳又有樓連山與梁頭山對峙

三台山 在縣南五十里三峯並列亦名筆架山

文峯山 在縣南五十餘里一名帽山脈落悠長峯巒聳特乃湖寮一鄉之鎮

西山 在縣南五十里狀若展旗山奇石牙叢峭下有石巖中寬外狹兩旁陡險人避盜者嘗居其中又名掛榜山虎鳴石動士子定捷高科此在湖寮又一在白堠村西南

蝴蝶山 有蝴蝶雙飛之象早晚時有白雲飛繞在湖寮之北

尖筆棟 在縣南五十里孤峯獨秀勢挿雲霄

馬山 在縣南五十里莒村水口其山多塚一在白堠其昂首如馬下有雞灘名滑瀨頗險一在帽山右側名爲天馬山

五虎山 在縣南四十餘里五山連疊如伏虎

朝拱邑城

郭山嶂 在縣南八十里盤圍如城郭故名

南陽棟 在縣南八十里山勢崇峻巋然壯觀與郭山嶂對峙

九峻山 在縣南一百一十里層巒疊嶂崎嶇九折昔人通鳥道以爲往饒平捷徑厥後相沿遂爲必由之路然山林深密行者戒之舊張璉賊巢據此

西巖山 在縣南一百五十里重岡疊岫澗谷杳冥林木陰森巖中有階垣亭臺基址及石牀爐竈瓶盃之屬山半泉瀉懸崖下鍾井深不可測名曰龍潭際相傳人投生鐵其中雷雨頓作蓋山之靈也

天門嶺 在縣南一百二十里岡巒高聳兩峯對峙中一逕通平和等處絕頂一泉其味甘冷早極不竭稍平有田氣候涼爽民數姓居此舊謂烟火神仙

銀瓶嘴 在天門嶺之南挺然尖峭而微斜狀如瓶嘴其麓一面劉公坑出鐵鑛一面龍井潭之北出石灰可用

烏槎山 在縣西八十里接饒平縣界山勢崔嵬旋繞產生竹木海饒大埔多資之已上俱清遠山

錦山 在縣西南五十里界饒洲清遠間其山怪石巉巖林木茂鬱春夏間野花雜卉綴纈紅紫如錦且多產材木樵採需之

羅帕石 在縣西三里傍水涯方平五六丈其面光潤皆山水紋一名山水石

棋盤石 在縣西水濱大二尺餘四方平面生橫直紋如棋盤兩傍有石楯相傳有仙人奕棋其上遺跡尚存

閭羅石 在縣東北三十里界永定上杭縣其石敲磊如磚砌崎嶇難行人謂閩越天限

蓮花石 在縣西四十五里屹然江中狀若蓮萼又北三十里磴頭界有石堆當急湍中亦名

蓮花石每春水漲游魚潛聚於此

鯉魚石 在縣西四十餘里江濱石壁上有魚避獵狀若刻成者然

七星石 在縣東十五里七石布列如斗間有松數株環蔭清涼客嘗游玩於此已上俱饒洲石

仙跡石 在縣西南四十里廣二三丈平面有腳跡井梗子痕相傳有仙人打禾於此

釣臺石 在縣西南河渡頭

牛牯石 在縣西南五十里其狀若牛首沉水中冬涸乃見

野鴨石 在錦山麓小尖斜插水中嘗壞商船其上崖石多奇有獅象白龜之形潔淨光澤若經鑿磨者然已上俱清遠石

神泉河 在縣北發源汀州經上杭磴頭水勢奔激出巖石中西流橫帶縣治會大靖小靖二

溪凡惠潮宦商赴京入閩及江浙恆必由之大靖溪 在縣西南其源有二一自漳州界來

為漳溪一自永定東洋來為黃沙溪合流為大靖溪夾縣之左北會神泉河其溪頗廣可通舟楫

小靖溪 在縣東源出永定三層嶺灣曲數十里繞縣北流合神泉河舟楫難通

大河 在縣西接神泉河合大小靖二溪西流三十里入三河

小河 在縣西北源出惠州之龍川南流會長樂七都溪與興寧溪經程鄉又與西洋福安松

源三溪合紆迴以趨於三河

小溪 在縣西南自平和赤石巖來經流白垵湖寮梅子潭曲折北注至洲角院合大河

三河 在縣西四十里大河趨於北小河環於西小溪繞於東三水交會為一故名三河其流潏洄渟涵於萬江峽中不流者六七里然後沛然南注為大江而潮於海

銀溪 在縣西七十里發源程鄉明山嶂流六七里合大江其水雖崎嶇險湍急小舟亦可通所產魚無腥氣其水用之澣衣不用漿粉蓋其山川必有一種靈氣也本土有神稱狗頭王已上俱屬饒洲

清遠河 在縣南發源漳之南靖象湖山合諸澗壑經流大產白垵至於湖寮山匯梅子潭遂注為小溪

莒溪 在縣東南發源尖筆流至莒村會諸澗水出長窖合清遠河是謂雙溪

黃砂溪 在縣東南發源平和大產黃蘭石圳西巖山諸處經流黃砂出又為白垵溪已上俱屬清遠

石上灘 在縣北上杭縣界溪中亂石堆積衝激最險

長磴灘 在縣北平沙小溪口曲折奔潰二里許舟行上下皆艱

蓬辣灘 在縣西北八十里程鄉縣界亂石橫交水勢洶湧澎湃怒濤轟雷聲聞數里行舟至此倍宜戒心多有登岸陸行者上有慈所曰利

涉亭

車灘 在縣西北五十餘里其灘石壩壅激奔流曲角水愈涸則勢愈急舟過危之

蛟潭 在縣西北五十里其深莫測傳謂昔有蛟孕其中後乘風雨騰去已上俱屬灤洲

龍潭 在縣南湖寮村石寨下深不可探其稍淺處有石如織春白之狀傳謂有怪物伏其中動輒波濤湧起一在永定社古寺下亦名龍潭

員潭 在三山國王廟左畔其水淵渟深不可測奇石森聳印浮水面有坪可曬稻又有仙人足跡兩岸大路人多遊賞誠湖寮之關鎖也

梅子潭 在縣西南四十餘里靜影沉碧其下有野鴨嘴大小磴鑱子曲雖險舟可挽放自此上至牛牯石間有五磴舊至險而舟不易通今亦可通矣已上俱屬清遠

澄海縣

鳳山岡 在城西北十里程詳岡村高七十五丈週二里

仙門山 在城北十五里仙門村高六十丈週二里

獅子山 在城北二十五里新市村高七十丈週二里以形名一名神山

管隴山 在城北十里管隴村高七十丈週二里

三髻山 在城北二十里董坑村高一百丈週四里以形名

龍船嶺山 在城北三十里高十丈週三里與

蓮花山相連

蓮花山 在城北三十里高三百餘丈週十里餘以形名亦名白石山

西山 在城北七里華富村高十二丈週一里黃子佃山 在城西北十里華富村高二十二丈週二里又名覆盆山

許石山 在城西北十里上杭村高三十五丈週三里

水吼山 在城西北十三里高二十丈週三里

觀音山 在城西北十三里高十五丈週二里以上俱在中外莆都

神山 在城西北十里高十一丈週七百餘武

石城山 在城西北三十里高二十丈週四里

龍船巖 在城西南三十里高百丈週三里蓬州所右

鷄籠山 在城西南四十里高七十丈週四里通揭陽界

潯洞山 在城西南五十里突起海中接潮陽界蜿蜒十餘里一名巡梅山

小萊蕪山 在城東十里海中一名留子山與大萊蕪對峙相去十里

大萊蕪山 在城東二十里海中有二尖峰南澳山 在城東三十里海中形如筆架週二百餘里近柘林內三澳曰清曰深曰隆延袤三百里有峰名青嶼

侍郎嶼 在城東三十里海中南澳山左以上

俱在縣東海中

三川溪 在城內北由水關入長一百丈外通玉帶溪

玉帶溪 在城北一里環繞縣城四圍共七里北港水自北關口入石子潭南港水自嶺門流至北橋相合西有黃州溪自新溪流至塔子港注之右有大港自華富流至埭頭尾注之左有牛盧港自華窖流至莊處灣注之中下二都田園灌溉所資

北港 在城北五里自橫隴溪東流經南洋東湖南灣等處入海

大洲港 在城北十里蘇灣都南洋村自橫隴

溪東流經南洋折而東北入海

旗嶺港 在城北十五里自韓江發源而來

飛錢港 在城北十里南洋村

山尾溪 在城北十五里東流至神山前會水

寨溪入海以上溪港俱在縣北

橫隴溪 在城西北三十里上外莆都上通韓江東經東林程洋岡南洋遠縣治之東北至北港入海西經南界冠隴遠縣治之西南至南港入海

溪東港 在縣西四十里自漁洲隴尾分一派西經湖頭市舉登等村入牛田洋

鮑濟河 在縣西南五十里屬鮑江都故名自溪東港流經蓬州所南門折而經大井天港等村入牛田洋

牛田洋 在城西南四十五里鮑浦巡檢司之

南西受揭陽南北二溪之水東南通海魚蛤之利民賴以生

沙馬 在城西南五十里牛田洋中已上俱洋港俱在縣西南

南港 在城南五里自橫隴溪南流至大牙東分一派經上窖沈洲外沙等村入海

新港 在城四十里自橫隴溪東流至大牙西南分一派經蛋家園漁洲富沙橫窖等村入海

東港 在城西二十里自蛋家園西南分一派經漁洲隴尾轉萬石岐山夏嶺鎮等村入海

海 在城東二十里東連閩越南通廣惠瓊崖及諸島彝之境

鳴洋 在外沙南灣海中時或震動如雷鳴東則風鳴西則雨息則霽海人嘗以為驗已上諸水除洋海外餘溪港皆自韓江來

普寧縣

後山 在縣治後源自厚嶼蜿蜒為二山邑與學分踞之

崑山 在城東半里林木叢蔚巨石或蹲或臥居縣之艮隅若護抱然明崇禎間知縣楊大行

構文昌閣於其上為縣令師儒課士之所日久燕廢尚存其址四垂為民居

黃舉林山 在城東二十里其麓即達揭陽孔道

烏泥山 與黃舉林連互雄拒同之

洪山 在城北十里許平地卓起孤峰山巖盤鬱若垣墉然舊有寺塔上有泉井甃之甘而不

涸歲旱取泉水以禱輒應

金山 在城西六十里危峰聳峻頂作雙丫狀為縣西遠障其山麓屬揭陽地

鐵山 在城南二十里巒阜峭特與縣治相直若屏其厓赤若鐵色故名

大坪山 在縣東南十里與鐵山連互中分二徑通朝陽縣界

平寶山 在城東三十里為邑水口之障其豪岡龜背林惠山馬頭山五福嶼青嶼等率培塿耳無可紀者此縣山川冊報大略今據之

鐵山下水 發源鐵山迤北而來由城西南小水關入趨學宮前四通城中出北關合於溪

衣帶水 在城西南一里源自南渡橋趨城壕繞東而北合於溪形家言以為隨山之水注若衣帶是也

冬瓜嶼水 在城西五里許發源冬瓜經北門外接龍橋迤為城壕過北水關東向崑山流分為兩遶崑山合趨錢湖橋度橋而東則水道浸廣繞折不一歷石潭渡過平寶山下至藍兜渡出雙溪口與揭陽大溪水合

平遠縣

鳳山 在縣南三里舊名鷄山

下馬石 在縣南五里豪居逕口

尖筆山 在縣東南三里

梯雲嶺 在縣東南五里為邑東南之要區

黃竹山 在縣東南二十六里
三段嶺 在縣東南二十里

卓筆山 在縣東南三十里

鐵鑛山 在東石

荷嶺嶂 在縣東南六十里

石龍山 在縣東南七十里大柘超竹界

南臺石 在縣東南一百里大柘石正界

烏石岡 去縣東一里在豪居

太和嶂 去縣東二十五里在東石小畝

五子石 在縣東北三十里多石峰矗立雲際而迴合盤互環拱揜映稱一邑之勝觀

麟石 在縣西一里

寶珠山 在縣西五里

帽子山 在縣西五十里

仲石 在縣西南六十里

雞籠嶂 在縣北十里

頂山 在縣北五十里

鳳頭嶂 在縣西北五十里

角山嶂 在縣西南五十里

縣前溪 發源頂山分兩流而下右下磔頭入

佛子高人鄒坊社南麟石滌繞縣城下又趨下

壩烏戰潭入千松溪下濂子渡東入鎮平界入

三河達於郡城

大柘溪 在縣東南發源陽洞東流入關上又

東入橫梁溪至鎮平合流入韓江

河頭溪 在縣西南發源九鄉下石井入尺肥

田坑諸處東流至壩頭會大柘水達於匯川

長田溪 在縣正南發源大塘山東流入橫梁

溪下黃竹峰通大江